



KENYATAAN MEDIA

LAWATAN KERJA MENTERI TENAGA DAN SUMBER ASLI KE LOKASI KEJADIAN BENCANA GEOLOGI TANAH RUNTUH DI KEMENSAH HEIGHTS, HULU KELANG, AMPANG, SELANGOR

YB Datuk Seri Takiyuddin bin Hassan, Menteri Tenaga dan Sumber Asli telah mengadakan lawatan kerja ke Kemensah Heights, Hulu Kelang, Ampang, Selangor pada 19 September 2021 yang diatitkan oleh Jabatan Mineral dan Geosains Malaysia (JMG) di bawah Kementerian ini. Hadir sama Encik Hisamuddin bin Termidi, Ketua Pengarah JMG dan Encik Mohd Zulkiflee bin Che Soh, Pengarah JMG Selangor/Wilayah Persekutuan serta pegawai-pegawai Kerajaan Negeri dan Persekutuan.

Lawatan ini bertujuan untuk meninjau kesan kerosakan di lokasi bencana geologi tanah runtuh di sekitar kawasan perumahan Kemensah Heights yang berlaku pada 17 September 2021. Dalam kejadian tersebut seramai 28 keluarga yang mendiami rumah teres dua tingkat telah terjejas dan diarah mengosongkan kediaman masing-masing. Walau bagaimanapun, tiada sebarang kecederaan dan kemalangan jiwa dilaporkan.

YB Menteri telah diberi taklimat oleh Jabatan Bomba dan Penyelamat Malaysia mengenai kerja-kerja yang dilaksanakan di kawasan kejadian bencana. Turut bersama semasa taklimat tersebut adalah agensi-agensi teknikal yang lain iaitu Jabatan Kerja Raya (JKR) dan Jabatan Pengairan dan Saliran (JPS).

Pada ketika ini, JMG sedang menjalankan pemeriksaan dan kajian lebih teliti yang melibatkan pemetaan geologi dan siasatan tapak (*site investigation*) serta menyediakan laporan bagi penilaian tahap keselamatan di kawasan tersebut. Kesemua inisiatif yang dilaksanakan ini adalah berdasarkan Prosedur Operasi Standard Di Kawasan Zon Bencana Tanah Runtu (JMG. SOP.01).

Dalam sesi lawatan kerja ini, YB Datuk Seri Takiyuddin bin Hassan juga telah dibawa melawat ke lokasi kejadian geobencana di Kemensah Heights.

KEMENTERIAN TENAGA DAN SUMBER ASLI

19 SEPTEMBER 2021

Unit Komunikasi Korporat | Kementerian Tenaga dan Sumber Asli
No. Tel. : 03-8000 8000 | Faks : 03-8889 4763 | Web : www.ketsa.gov.my

